

Comision Bishita Real cla pa anuncia e repertorio artistico pa 'Anochi Real na Bushiribana'

EXPECTATIVA ta creciendo; hendenan ta comentando cu algo ta bay sosode y awe finalmente lo anuncia di manera oficial tur detaye di kico ta bay sosode dia 20 di november proximo na Bushiribana. Ta trata di e Anochi Real, un evento nunca bisto na Aruba. Diabierna 8 di november productor ehecutivo Jonathan Vieira hunto cu Adjutant di Kabinet van de Gouverneur Roel Samsom ta topa cu medionan local y internacional na Cas di Cultura pa presenta e repertorio completo di artistanan local y di exterior cu lo presenta na e concierto aki.

Loke si por delanta ta cu e anochi aki nos Rey Willem-Alexander y Reina Máxima lo mira un show cu ta produci



demonstrando lo miho di Aruba den siglo 21 sin lubida unda e reisnan di e cultura Arubano ta extende. Pa medio di musica, canto, baile y tecnologia, lo duna un impresion moderno di loke Aruba ta ofrece na mundo henter.

E ruinan di Bushiribana na unda nos antepasadonan tabata smelt oro, lo fungi pa prome

biaha como e fondo unico caminda pa medio di luz y otro efectonan special, lo crea un escenario impactante. Riba dje ta bay presenta artistanan mundial di descendencia Arubano manera Alain Clark y Pete Philly for di Hulanda y Robert Jeandor y Jersey Sophia di Aruba kendenan lo percura hunto cu otro artista pa crea e ambiente di e anochi magico y inolvidabel aki.

Su Mahestad Rey Willem Alexander y Reina Máxima ta e huespednan di honor di e anochi y for di un podium specialmente traha pa nan, e Pareha Real por disfruta di e show. Consistiendo di un formato cu ta laga bo bay den un biahe virtual den tempo, ta presenta e desaroyo di Aruba for di e angulo di su diversidad musical. Lo combina nos mesun folklore cu e influencia musical di Latinoamerica, y via pop y finalmente musica di Carnaval ta yega na e musica electrico di awendia.

Visualmente ta sostene e storia cu efectonan di luz, video mapping, baile, circo y video pa culmina den e climax di e anochi: un show final pa celebra nos tempo actual. E anochi aki ta dedica na Pareha Real en berdad, pero tambe ta un regalo pa e pueblo di Aruba cu no mag di perde y pesey acceso na dje ta gratis y pa tur hende.

Lo transforma e parti di costa noord di Aruba den un tereno di festival, unda tur hende, for di hoben te grandi, lo por haya un luga pa mira e presentacion, pero principalmente pa miranos Rey Willem-Alexander y Reina Máxima. Cuminsando e fin di siman aki Bushiribana y su alrededor ta wordo acondiciona pa ta sede di e Anochi Real teniendo na cuenta tambe cu transportacion, parkeo y siguridad di tur esnan interesa pa presencia e evento.

Keda pendiente pa tur e informacion cu lo keda presenta awe, pero tambe marca e fecha den bo agenda. Bin diaranson 20 di november na Bushiribana pa presencia un acto unico den historia, cultura y entretenimento na Aruba, bin demonstra e Pareha Reale cariño cu pueblo di Aruba tin p'e, pero tambe bin apoyo nos talentonan local y di sanger Arubiano cu ta destacando den henter Reino.